

Broj: 06-03-1605-22/27/09
Mostar, 30.08.2010. godine

Na osnovu člana 14., člana 29., člana 70. i člana 74. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2), člana 37. stava (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 75. stava (1) i stava (3) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 17. Pravilnika za izdavanje dozvola-licenci („Službene novine Federacije BiH“ broj 29/05), postupajući po Zahtjevu za izmjenu dozvole za rad-licence podnosioca Alpiq Energija BH d.o.o. primljenim u FERK pod brojem 06-03-1605/27/09 od 28.12.2009. godine, koji se odnosi na izmjenu u Dozvoli za rad-licenci za obavljanje elektroprivredne djelatnosti snabdijevanja električnom energijom drugog reda broj 06-03-1101/20/08 od 28.01.2009. godine, izdate Rješenjem broj 06-03-1101-08/20/08 od 28.01.2009. godine, Regulatorna komisija za električnu energiju u Federaciji Bosne i Hercegovine – FERK je dana 30.08.2010. godine na nastavku X redovne sjednice donijela sljedeće

RJEŠENJE

1. U Dozvoli za rad-licenci za obavljanje elektroprivredne djelatnosti snabdijevanja električnom energijom drugog reda broj 06-03-1101/20/08 od 28.01.2009. godine, izdatoj Rješenjem broj 06-03-1101-08/20/08 od 28.01.2009. godine, imaocu dozvole „Atel BH“ d.o.o Sarajevo, Mehmeda Spahe 26, 71000 Sarajevo, naziv i sjedište imaoca dozvole mijenja se i glasi: na naslovnoj stranici, riječi „Atel BH“ d.o.o Sarajevo“, zamjenjuju se riječima „Alpiq Energija BH d.o.o.“, riječi „Mehmeda Spahe 26, 71000 Sarajevo“ zamjenjuju se riječima „Dalmatinska 6/1, 71000 Sarajevo“.
2. U Dozvoli za rad-licenci za obavljanje elektroprivredne djelatnosti snabdijevanja električnom energijom drugog reda broj 06-03-1101/20/08 od 28.01.2009. godine, naziv i sjedište imaoca dozvole mijenja se i glasi: u uslovima dozvole, u tački 1.1. riječi „Atel BH“ d.o.o Sarajevo“, zamjenjuju se riječima „Alpiq Energija BH d.o.o.“, u tački 1.2. riječi „Mehmeda Spahe 26, 71000 Sarajevo“ zamjenjuju se riječima „Dalmatinska 6/1, 71 000 Sarajevo“.
3. U Dozvoli za rad-licenci za obavljanje elektroprivredne djelatnosti snabdijevanja električnom energijom drugog reda broj 06-03-1101/20/08 od 28.01.2009. godine, ostali uslovi i period važenja dozvole ostaju ne promijenjeni.
4. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja i u „Službenim novinama Federacije BiH“.

Образложење

U postupku izmjene naziva i sjedišta imaoца Dozvole za rad-licenca za obavljanje elektroprivredne djelatnosti snabdijevanja električnom energijom drugog reda Atel BH d.o.o. Sarajevo broj 06-03-1101/20/08 od 28.01.2009. godine, FERK je dana 28.12.2009. godine primio od strane podnosioca Alpiq Energija BH d.o.o. Zahtjev za izmjenu dozvole za rad-licence upisan pod brojem 06-03-1605/27/09.

Prilikom pregleda kompletnosti podnesenog zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni zahtjev nije kompletan u smislu člana 9., 10., 29. i 42. Pravilnika za izdavanje dozvola-licenci. Zbog navedenog FERK je, postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a, dostavio podnosiocu zahtjeva Obavještenje o nedostacima podnesenog Zahtjeva za izmjenu dozvole za rad-licence broj 06-03-1605-01/27/09 od 11.02.2010. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja.

Postupajući po Obavještenju, podnosilac zahtjeva je u FERK dana 22.02.2010. godine pod brojem 06-03-1605-02/27/09, 06-03-1605-03/27/09, 06-03-1605-04/27/09, 06-03-1605-05/27/09, 06-03-1605-06/27/09, 06-03-1605-07/27/09, te dana 23.02.2010. godine pod brojem 06-03-1605-08/27/09 dostavio dio tražene dokumentacije sa obrazloženjima.

U cilju potpunog kompletiranja dostavljene dokumentacije, FERK je podnosiocu zahtjeva 16.03.2010. godine uputio Zahtjev za informacijama broj 06-03-1605-09/27/09, u povodu kojeg je isti dostavio dio dokumentacije uz Dopis primljen u FERK 28.03.2010. pod brojem 06-03-1605-10/27/09 i 06-03-1605-11/27/09, te uz Dopis primljen u FERK dana 29.03.2010. godine pod brojem 06-03-1605-12/27/09. Zbog navedenog, FERK je ponovno podnosiocu zahtjeva uputio 16.04.2010. godine Zahtjev za informacijama broj 06-03-1605-13/27/09, a u povodu kojeg je isti dostavio traženu dokumentaciju i obrazloženje uz Dopis primljen u FERK 30.04.2010. godine pod brojem 06-03-1605-14/27/09.

Postupajući u skladu sa članom 11. Pravilnika za izdavanje dozvola-licenci, FERK je dana 26.05.2010. godine u „Dnevnom listu“ i „Dnevnom avazu“, te na svojoj web stranici, objavio Obavještenje za javnost o podnesenom Zahtjevu izmjenu dozvole za rad-licence podnosioca zahtjeva Alpiq Energija BH d.o.o. Povodom Obavještenja za javnost, FERK do naznačenog roka u Obavještenju odnosno do 04.06.2010. godine godine, nije primio pisane komentare zainteresovanih lica na podneseni zahtjev kao ni zahtjev za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 77. stavom (2) Pravilnika o javnim raspravama i rješavanju zahtjeva i žalbi FERK-a, obavijestio podnosioca zahtjeva za izmjenu dozvole za rad-licence o svojoj namjeri provođenja postupka izdavanja dozvole bez održavanja formalne rasprave, Obavještenjem broj 06-03-1605-16/27/09 od 16.06.2010. godine, kojim je istom data mogućnost da ukoliko raspolaže novim činjenicama u vezi s predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izmjene dozvole za rad-licence provede po

skraćenom postupku, podnosilac zahtjeva nije iznio nove činjenice u vezi s predmetom postupka, te nije uputio druge komentare FERK-u.

Na osnovu provedenog postupka, u toku kojeg je izvršena pažljiva analiza svih činjenica i podnijetih dokaza na podlozi kojih se moglo utvrditi stanje stvari, FERK je u skladu sa članom 16. stavom (1) Pravilnika za izdavanje dozvola-licenci, a polazeći od člana 42. stava (3) istog Pravilnika po kome se postupak izmjena i dopuna dozvole obavlja na isti način kao i postupak izdavanja dozvole, te na osnovu člana 79. stava (2) Zakona o električnoj energiji, Odlukom broj 06-03-1605-17/27/09 od 16.07.2010. godine usvojio nacrt Dozvole za rad-licence za obavljanje elektroprivredne djelatnosti snabdijevanja električnom energijom drugog reda, dok je Odlukom FERK-a broj 06-03-1605-18/27/09 od 16.07.2010. godine ovaj nacrt upućen u proces javne rasprave, te je određeno mjesto i vrijeme održavanja opšte rasprave o predmetnom nacrtu Dozvole za rad-licence, imenovan voditelj postupka, kao i da zainteresovana lica svoje usmene komentare na nacrt Dozvole za rad-licence mogu dati na opštoj raspravi koja je održana 19.08.2010. godine u 11:00 sati, u Mostaru, u prostorijama FERK-a, a pisane komentare dostaviti na adresu FERK-a, kao i putem elektronske adrese do 20.08.2010. godine do 12:00 sati.

Opštoj raspravi o nacrtu Dozvole za rad-licence za obavljanje elektroprivredne djelatnosti snabdijevanje električnom energijom drugog reda prisustvovali su predstavnici podnosioca zahtjeva Alpiq Energija BH d.o.o. i predstavnici privrednog društva HSE Energetsko preduzeće d.o.o. Sarajevo. Podnosilac zahtjeva je istakao da nema komentara na nacrt dozvole za rad i kako smatra da može ispoštovati sve uslove navedene u istoj.

Podnosilac zahtjeva je 23.08.2010. dostavio saglasnost na nacrt Dozvole za rad-licence primljenu pod brojem 06-03-1605-20/27/10 kojom obavještava FERK da je saglasan sa tekstom nacrtu Dozvole za rad-licence, vezano za opštu raspravu o nacrtu iste, a po osnovu zahtjeva za izmjenu dozvole za rad-licence.

U skladu sa članom 16. Pravilnika o javnim raspravama i rješavanju zahtjeva i žalbi FERK-a, a na osnovu održane opće rasprave, voditelj postupka je pripremio pisani izvještaj uz sažetak komentara na raspravi i dao preporuku za donošenje odluke, te je iste uputio podnosiocu zahtjeva na komentare 23.08.2010. godine pod brojem 06-03-1605-19/27/09.

Podnosilac zahtjeva je povodom navedenog FERK-u dostavio 24.08.2010. godine i Dopis primljen u FERK pod brojem 06-03-1605-21/27/10, u kojem je naveo da je saglasan, odnosno da nema primjedbi na izvještaj voditelja postupka, a vezano za zahtjev za izmjenu dozvole za rad-licence.

Izvjestaj voditelja postupka sa komentarima podnosioca zahtjeva dostavljen je na razmatranje FERK-u dana 26.08.2010. godine pod internim brojem 06-08-1083/10, a prije njegovog konačnog odlučivanja na redovnoj sjednici.

Na osnovu obrade Zahtjeva za izmjenu dozvole za rad-licence podnosioca Alpiq Energija BH d.o.o. i dokumentacije priložene uz zahtjev, te analize postupka opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, izvršena je izmjena naziva i sjedišta u Dozvoli za rad-licenci za obavljanje

elektroprivredne djelatnosti snabdijevanja električnom energijom drugog reda broj 06-03-1101/20/08 od 28.01.2009. godine, ali su svi ostali uslovi i period važenja dozvole ostali nepromijenjeni i stvaraju obavezu Alpiq Energija BH d.o.o. da u rokovima propisanim u uslovima Dozvole za rad-licence iste ispuni, u cilju zadovoljenja opštih i posebnih kriterija propisanih Zakonom o električnoj energiji i bliže propisanih članom 33. Pravilnika za izdavanje dozvola -licenci FERK-a.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a:
Zdenko Šimunović s.r.